

Fascia tel davegnir, na cordanza storica

Na veïda en curt sul document che prest vegnarà sotescrib dal president de la Provinzia de Trent Lorenzo Dellai e da la Procuradora Cristina Donei

Politica - La cordanza de program anter l Comun general de Fascia e la Provinzia autonoma de Trent è ruèda a compiment chisc dis passè, con l'aprazion da man del Consei general de Fascia e de la Jonta de la PAT, e prest la vegnarà sotescribta ofizialmenter dal president de la Provinzia Lorenzo Dellai e da la Procuradora Cristina Donei.

L lonch document met al luster la tematiche più emportantes sun cheles che l Comun general e la Provinzia enten se impegnè, fajan fora i obietives e la linies strategiches, ensema a scomenzadives e azions spezifiche, a cheles che duta doi la pèrts ge resserva na valutazion prioritèra ence te la cernudes de finanziament. Vedon più avisa coluns che l'è impegnè touc sù.

Svilup de la rees de conescion per la mobilità e la comunicazion eletronica

La gran endesfida aldidanchè, sordadut per n teritorie picol e periferich desche l nosc, l'è didèr dò più che l'è meso la comunicazion a ogne nivel. Per chel che reverda la rees de mobilità la Provinzia se tol sù l'empegn a lurèr fora per de settember 2012 na proponeta de "piano stralcio" de la mobilità per Fascia, con chela de fèr fora e valuter i intervent da realisèr a pontèr via da la proponetes del CGF, anter chestes la varianta de Cianacel, la concluzion de la varianta de Vich, l completament de la pista per la rodes e l'introduzion de sistemes de mobilità alternativa.

En cont de la rees de telecomunicazion e de l'informatizazion l CGF se empegna a tor sù i servijes mendres proponed da Informatica Trentina e a i fèr adotèr da duc i comuns de la val, servijes che sarà possibol ativer demò dò che sarà stat pojà jù duta la rei a fibra optica. Amò apede vegnarà envià via na colaborazion per la creazion de n sit de seconda generazion de la Comunità e de duc o de pèrt di Comuns.

Tutela e la promozion de



L vizeprocurador Mariano Cloch, la procuradora Cristina Donei, l president del Consei general Cesare Bernard, l secreteur Bruno Sommariva e i vizepresidenc Francesca Dorich e Cristian Lorenz a la scontrèda che a aproa la cordanza de program.

identità, lengaz e cultura ladina

La prezenza de la comunanza ladina l'è la carateristica più emportanta de Fascia. Per sostegnir sia identità e sens de partegnuda l'è stat fat fora cater ponc fundamentai: 1. definizion di criteries per cantificher la quota del fondo a sostegn de la politica linguistica pervedù da la lege 6/08 per envièr via na gestion autonoma da man del CGF aldò del prinzip de sussidiarietà scrit dant da la reforma istituzionèla. 2. sostegn de l'informazion per ladin en coordinament con la scomenzadives de la Region tel chèder del finanziament total per l'informazion. 3. potenziament e svilup de projec con relatives finanziament del meso televisif, che a palesa gran potenzialitèdes 4. empegn del CGF a ativer l servije zentrel de traduzion di ac amministratives.

Te la relazion istituzionèles, apede a la Scuola e a l'Istitut cultural, ge vegn recognosciù na emportanza particulèra a l'Union generela di Ladins desche pont de referiment per projec che se referesc a la realtè ladina. L CGF se a ence tout sù l'empegn de meter a jir na rei de l'identità fascèna travers l recognosciment de lesc de significhat particulèr: per ches vegnarà lurà fora n projet de recalcificazion de l'area de Sèn Jan, de chel che sarà valutà la possibilità de finanziament en via prioritèra. Medemo empegn vegn tout sù ence per Ciasa Costazza a Mazin.

Stravardament e valorizazion del patrimonie ambientèl

Dolomites patrimonie Unesco, Marmolèda, Cordanza del Cadenac, Troi di Ladins, lech de Soraga, stazion de compatament e trasferiment di refudames, politiches energetiches: chisc i ponc più emportanc touc fora, sun chi che Pat e CGF se empegnarà per valoriser l teritorie de Fascia, caraterisà apontin da n gran numer de lesc de gran valor e beleza tant dal pont de veduda ambientèl che identitèr.

Promozion del turism

L'è stat consicdrà de gran emportanza che l'Apt de Fascia coordenee i operadores economics del teritorie con chela de troèr fora proponetes per valoriser l prodot turistic de val coerent con sia vocazions. Per ches la Pat l'è a una con l besegn de chierir soluzions neves per l svilup del turism e de sostegnir evenc che posse califichèr la parbuda de Fascia, en particulèr un da d'invern e un da d'istà. Amò apede la se empegna a valoriser la dimenzion del moviment turistic local e la capacità de autofinanziament. Per sostegnir l'atività de promozion turistica l CGF l'è a una a meter sù la tassa destinèda che tole ite duc i sogec che a n vantac dal turism.


Potenziament di servijes sozio saniteres

La Pat se empegna a formulèr soluzions organisatives spezifiche per ge sporjer ai sentadins na risposta unitèra e integrèda a si besegnes. Na neva emportanza reverda l'APSP: aldò de la ressorses a la leta te la programazion per l 2012 vegn metù dant l'empegn de smaorèr chi che ge vegn dit "posc let de confort" e chi convenzionè, tel respet di parametres provinzièl. Se vardarà ence de renforzèr i servijes a cèsa e vèlch post let vegnarà destinà a funzions de confort, svilupan servijes de riabilitazion e de assistenza ai malè ricoverè per lonch temp.

Renforzament del capital sozièl

Con chela de renforzèr i leames con altra mendranzes linguistiches a nivel internazionèl l'è l'intenzion de jir inant te la colaborazion solidala con la comunitèdes Achuar de l'Ecuador.

Amò apede vegnarà sostegnù n projet out a joenes emarginèdes del vilage de Kimbondo tel Congo, travers la restruturazion de na strutura de acoliencia che posse ge dèr na formazion umèna e profesionèla aldò.



La ligrèza de avèi na ciasa

*I contribuè por le frabiche alisire:
Contribuè por le rissanamènt convenzionè
Contribuè por costruì o cumprè la pruma abitaziun
Le minim vital y les incentivaziuns fiscales*

Contribuè por le rissanamènt convenzionè

Por ci che reverda le rissanamènt de ciasas, mès i frabicac ester almanco 25 agn vedli. I 25 agn compèdon dal'ultima lizènda de anuzamènt che è gnùda dada fora por l'abitaziun da restorèr. Sce le proprietar d'abitaziun n'abitèia nia instès tl frabicac che dess gni d'ortorè sò, mès l'abitaziun gni convenzionada aladò dl art. 79; chès ò di che l'abitaziun mès gni afitada ia a jènt dl post cun i medemi reusciù che vègn ghirà dala lege por fà sò na ciasa alisirada. La sovenziun te chès cajo è a "fondo perduto" (scioldi scincà) e ne vègn nia calcolada aladò dala situaziun di componènt dala familia y dala situaziun de davagn, mo in basa al preventif di cosc y in relaziun al surapost dl techich dala Provinzia y mès gni valutada y cuantificada da cajo a cajo.

situaziun de davagn y cun almanco 20 punè.

Le minim vital

Por che la domanda de sovenziun pois gni prejentada vala che l'admandant ais en vadagn minim che cùr la rata dl imprèst (imprèst dala Provinzia y/o banca) y che al restes ala familia na soma por les spèises da vigni dè.

Incentivaziuns fiscales

Interessant prò la realisaziun dala pruma ciasa pò ince ester l'anuzamènt de strumènt fiscal sciòch la lege 449/97 che dà la poscibilitè de recuperè sòla cuta na soma mascima dl 36% sòn en amunta reconosciùda de èuro 48.000,00 por la realisaziun o la compra dl garage pertinenzial ala pruma abitaziun. Ci ò pà di chès in concret? An pò se trà jù dal cuta dl vadagn en mascimo de èuro 1.728,00



Costruì o cumprè la pruma abitaziun

La conscenziun di contribuè depènn da deplù valutaziuns da pert dala Provinzia. Al vègn tut en conscenziun i davagns di ultimi dui agn (tl caje de na familia vègn tut i davagns di om y dala fomena), la situaziun familiara, i agn de residenza tla Provinzia de Balsan, les condiziuns atuales de abitaziun de chel che fej domanda, la costituzion de na familia (i ultimi 3 agn) o na invaliditè. Al vègn incè tut en conscenziun la proprietè di geniturs y di jocer. Sòla basa de chèstes valutaziuns ti vègnel assignè a chel che fej la domanda n cer' numer de punè, che determinèia la fascia de contribuètiun te chera che le damanadù ròia ite. Por le momènt conzed la Provinzia da Balsan contribuè por fà sò, cumprè o restorèr ciasas. L'entitè dl contribuè depènn spo da caje a caje. Te duc trè i caji vègn i contribuè conzedùs tla forma de na sovenziun a "fondo perduto" (scioldi scincà), che vègn paia fora te n import su. Por cumprè o fà sò n'abitaziun el incè la poscibilitè de ciae, impede le contribuè suradit, n imprèst zèna fic da despaiè jò te 15 o 20 agn aladò dala situaziun familiara. Chèsta poscibilitè è mada por chi che ròia ite tla pruma fascia de davagn y abina adom almanco 20 punè. La Provinzia ghira te chès caje na ipotèca de pròm gre, che costa da portè ite tl liber fondiar le 5% dl imprèst che vègn tut sò. La sovenziun a "fondo perduto" (scioldi scincà) pò ji da èuro 29.250,00 a èuro 67.392,00 y l'imprèst zèna fic da èuro 65.000,00 a èuro 149.760,00 dèt chès aladò dala situaziun di componènt dala familia, dala

al ann y chès por 10 agn alalongia a condiziun che l'admandant detlarèus ann por ann vadagn.

Consulèza a 360° por planns finanziari y contribuè por la pruma ciasa
La Cassa Raiffeisen Val Badia Ves pita consulèza por contribuè, proieziuns aladò dala singola situaziun, redaziun dl plann finanziar, finanziemènt, alisiraziuns fiscales y assignaziuns por la costruèziun y la compra dala pruma ciasa.

Na buna consulèza por l'impostaziun y por dèt le tru burocratic cina ala licitudaziun dles sovenziuns sòn la basa de n finanziemènt fatibè è la tle di suzès por fà sò, ressanè o cumprè n'abitaziun alisirada. Informaziuns plù avisa ciaeise pro vigni portina dala Cassa Raiffeisen Val Badia o tolon sò contat diretamènter cun le consulènt Erwin Clara, tla sènta a Corvara al nr. 0471/831464 o tres email: clara.erwin@raiffeisen.it



Erwin Clara, consulènt dala Cassa Raiffeisen Val Badia

Raiffeisen
Cassa Raiffeisen Val Badia
www.raiffeisen.it